



D^a. YOLANDA AGUIAR CASTRO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 19 de decembro de 2019**, adoptou o seguinte acordo:

15.- PROPOSTA PARA A APERTURA DO TRÁMITE DE CONSULTA PÚBLICA PREVIA PARA TRAMITACIÓN E APROBACIÓN DO REGULAMENTO DO SERVICIO MUNICIPAL DE AUGA DA CIDADE DE VIGO. EXPTE. 432/441.

Examinadas as actuacións do expediente, dáse conta do informe-proposta de data 16/12/19, asinado pola técnico de Admón. Xeral, o xefe Administrativo e de Control Orzamentario, o xefe do Servizo Xurídico de Servizos Xerais e o concelleiro-delegado de Fomento e Servizos, que di o seguinte:

ANTECEDENTES:

I.- O Pleno do Concello de Vigo, en sesión de 25 de outubro de 1990, adjudicou á U.T.E. “SERAGUA-FOCSA VIGO”, hoxe denominada “AQUALIA-FCC VIGO”, a concesión da xestión integral do servizo público municipal de abastecemento de auga e saneamento de Vigo.

II.- O contrato foi formalizado en documento administrativo o día 8 de xaneiro de 1991, por un prazo de duración de vintecinco anos, a contar desde o 1 de xaneiro de 1991, prorrogable tacitamente por períodos de cinco anos, ata o máximo legal de cincuenta anos, salvo denuncia expresa por algunha das partes contratantes, notificada ao menos un ano antes do vencemento do prazo contractual ou de calquera das súas prórrogas.

III.- O Pleno do Concello de Vigo, en sesión de 27 de xaneiro de 1993 aprobou o vixente Regulamento do servizo municipal de abastecemento de auga e saneamento de Vigo (BOP 10.02.1993). Texto Refundido publicado no BOP de 16.12.1993.

IV.- Mediante Acordo da Xunta de Goberno Local, de data 21 de novembro de 2011 se declarou a prórroga da concesión administrativa da Xestión Integral do Servizo de Abastecemento e Saneamento de Augas por un período de 5 anos, contados a partir do día seguinte ao do vencemento do contrato, que finaliza o 31 decembro de 2020.

V.- Por Resolución do Concelleiro-delegado da Área Fomento de data 15 de marzo de 2018 constituíuse un Comité técnico de traballo no ámbito do servizo público municipal de abastecemento de auga e saneamento de Vigo, para realizar as tarefas vinculadas ao proceso de finalización da concesión e coa finalidade de propor as actuacións concretas necesarias no ámbito do servizo público municipal de abastecemento e saneamento.

VI.- Por Resolución do Concelleiro-delegado da Área Fomento de data 14 de setembro de 2018 se ordenou o inicio do procedemento preparatorio para a liquidación do contrato de concesión para a xestión do servizo público municipal de abastecemento de auga e saneamento de Vigo.

	Copia do documento - Concello de Vigo	Data impresión: 10/01/2020 08:48	Páxina 1 de 4
	Expediente 432/441	CSV: 28E8E3-ADC5E2-EH83AH-9ELC64-LRR2AN-H1	
	Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

FUNDAMENTOS TÉCNICOS E XURÍDICOS

Primeiro.- O artigo 284.2 da Lei 9/2017, de 8 de novembro, de Contratos do Sector Público, pola que se trasponen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014(en adiante LCSP), en relación ao contrato de concesión de servizos, e o artigo 312 da mesma Lei, en relación cos contratos de servizos que conlevan prestacións directas a favor da cidadanía, establecen que antes de proceder á contratación dunha concesión, nos casos en que se trate de servizos públicos ou duns servizos, que conleven prestacións directas a favor da cidadanía *“deberá haberse establecido o seu réxime xurídico, que declare expresamente que a actividade de que se trata queda asumida pola Administración respectiva como propia da mesma, determine o alcance das prestacións en favor dos administrados, e regule os aspectos de carácter xurídico, económico e administrativo relativos á prestación do servizo.”*

Esta regulación pon de manifesto a necesidade de redacción, tramitación e aprobación dun novo regulamento do servizo público municipal de abastecemento de auga e saneamento de Vigo con carácter previo á nova contratación.

Segundo.- O artigo 4.1 da Lei 7/1985, de 2 de abril, reguladora das Bases de Réxime Local, o artigo 4 do Real Decreto 2568/1986 de 28 de novembro, que aproba o Regulamento de Organización, funcionamento e réxime xurídico das entidades locais e o artigo 6.1 de la Lei 5/1997 de 22 de xullo, de Administración Local de Galicia, atribúen expresamente a potestade regulamentaria aos municipios. Pola súa parte, o artigo 128 da Lei 39/2015, de 1 de outubro, de Procedemento Administrativo Común das Administracións Públicas (en adiante, LPACAP) recoñece a potestad regulamentaria dos órganos de gobernos locais.

Tercero.- En relación coa tramitación dos anteproxectos de lei ou de regulamento debe considerarse o disposto na LPACAP que regula no seu artigo 133 *“Participación dos cidadáns no procedemento de elaboración de normas con rango de Lei e regulamentos”*. En concreto, no seu apartado 1º dispón:

“Con carácter previo á elaboración do proxecto o anteproxecto de lei o de regulamento, se sustanciará unha consulta pública, a través do portal WEB da Administración competente na que se recabará a opinión dos suxeitos e das organizacións máis representativas potencialmente afectados pola futura norma acerca de:

- a) Os problemas que se pretenden solucionar coa iniciativa.
- b) A necesidade e oportunidade da súa aprobación.
- c) Os obxectivos da norma.
- d) As posibles solucións alternativas regulatorias e non regulatorias.”



Copia do documento - Concello de Vigo

Data impresión: 10/01/2020 08:48

Páxina 2 de 4

Expediente 432/441

CSV: 28E8E3-ADC5E2-EH83AH-9ELC64-LRR2AN-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



Cuarto.- Polo exposto e conforme á Resolución de delegación de competencias de data 26 de xuño de 2019, pola que as competencias en materia do ciclo integral da auga corresponden á Concellería Delegada de Fomento e Servizos, formulase á Xunta de Goberno local a seguinte:

PROPOSTA DE ACORDO

Primeiro.- Abrir o trámite de consulta pública previsto no artigo 133 da LPACAP, para a redacción, tramitación e aprobación do novo regulamento do servizo público municipal de abastecemento de auga e saneamento da cidade de Vigo, a través de <https://consulta.vigo.org/>, durante un prazo de 20 días hábiles, para que a cidadanía, organizacións e asociacións que así o consideren poidan facer chegar as súas opinións acerca dos aspectos que figuran recollidos no Anexo 1 do presente acordo.

Segundo.- Dar traslado do presente acordo ao Servizo de Administración Electrónica para a posta en marcha do trámite de consulta a través da sede electrónica municipal.

Terceiro.- Notificar o presente acordo aos membros da Comité técnico de traballo no ámbito do servizo público municipal de abastecemento de auga e saneamento de Vigo, e dar publicidade do mesmo a través da Intranet municipal, sede electrónica e Portal de Transparencia.

Acordo

A Xunta de Goberno local aproba a proposta contida no precedente informe.

ANEXO I CONSULTA PÚBLICA

Antecedentes

En cumprimento do artigo 133.1. da Lei 39/2015, do 1 de outubro, do Procedemento Administrativo Común das Administracións Públicas, con carácter previo á elaboración do proxecto de regulamento do servizo público municipal de abastecemento de auga e saneamento da cidade de Vigo, substánciase consulta pública a través do portal web deste Concello para solicitar a opinión dos suxeitos e das organizacións máis representativas potencialmente afectadas pola futura norma acerca dos apartados seguintes.

A) Problemas que se pretenden solucionar coa norma

A Lei 7/1985, do 2 de abril, Reguladora das Bases do Réxime Local establece no seu artigo 25.2 c) que o municipio exercerá en todo caso como competencias propias, nos termos da lexislación do Estado e das Comunidades Autónomas, as seguintes "Abastecemento de auga potable a domicilio e evacuación e tratamento de augas residuais", e no seu artigo 26.1 dispón que os municipios deberán prestar, en todo caso, os servizos seguintes: "En todos os municipios: abastecemento domiciliario de auga potable, rede de sumidoiro".

O obxecto da presente iniciativa normativa é a regulación das novas condicións nas que se realizará a prestación do servizo público de abastecemento de auga e saneamento no termo municipal de Vigo, con especial referencia ás prescricións a que haberán de someterse nesta materia os abonados actuais e futuros. En consecuencia regularense os aspectos de carácter xurídico, económico e administrativo relativos a prestación do servizo coa finalidade de que o mesmo se preste en condicións de igualdade e seguridade.



Copia do documento - Concello de Vigo	Data impresión: 10/01/2020 08:48	Páxina 3 de 4
Expediente 432/441	CSV: 28E8E3-ADC5E2-EH83AH-9ELC64-LRR2AN-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

B) Necesidade e oportunidade da súa aprobación

Os artigos 284.2 e 312 da LCSP establecen que antes de proceder á contratación dunha concesión, nos casos en que se trate de servizos públicos ou de servizos, que conleven prestacións directas a favor da cidadanía, deberá terse regulado o seu réxime xurídico, que declare expresamente que a actividade de que se trata queda asumida pola Administración respectiva como propia da mesma, determine o alcance das prestacións en favor dos administrados, e regule os aspectos de carácter xurídico, económico e administrativo relativos á prestación do servizo.

C) Obxectivos da norma

Os obxectivos da presente iniciativa normativa son os seguintes:

- Regular as as relacións entre o Concello, o Ente Xestor do servizo e os Abonados do mesmo, sinalando os dereitos e obrigacións básicas para cada unha das partes.
- Protexer a saúde e a calidade ambiental e sanitaria das augas do termo municipal eliminando calquera efecto tóxico, tanto para o home como para os seus recursos naturais e conseguir os obxectivos de calidade asignados.

D) Posibles solucións alternativas regulatorias e non regulatorias

Non hai alternativa regulatoria nin non regulatoria, debido a obrigatoriedade de regulación do servizo, establecida nos artigos 284 e 312 da LCSP.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me.

V. e Pr.

O ALCALDE,
Abel Caballero Álvarez.



Copia do documento - Concello de Vigo	Data impresión: 10/01/2020 08:48	Páxina 4 de 4
Expediente 432/441	CSV: 28E8E3-ADC5E2-EH83AH-9ELC64-LRR2AN-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		